



<i>Համարը</i> N 360-Ն	<i>Տեսակը</i> Հիմնական
<i>Տիպը</i> Հրաման	<i>Կարգավիճակը</i> Գործում է
<i>Սկզբնաղբյուրը</i> ՀՀԳՏ 2017.05.02/15(584) Հոդ.165	<i>Ընդունման վայրը</i> Երևան
<i>Ընդունող մարմինը</i> Արտակարգ իրավիճակների նախարար	<i>Ընդունման ամսաթիվը</i> 29.03.2017
<i>Ստորագրող մարմինը</i> Արտակարգ իրավիճակների նախարար	<i>Ստորագրման ամսաթիվը</i> 29.03.2017
<i>Վավերացնող մարմինը</i>	<i>Վավերացման ամսաթիվը</i>
<i>Ուժի մեջ մտնելու ամսաթիվը</i> 12.05.2017	<i>Ուժը կորցնելու ամսաթիվը</i>

Կապեր այլ փաստաթղթերի հետ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐԻ ՀՐԱՄԱՆԸ ՓՐԿԱՐԱՐԱԿԱՆ ԾԱՌԱՅՈՂՆԵՐԻՆ ԶԵՆՔ ՊԱՀԵԼՈՒ, ԿՐԵԼՈՒ, ԳՈՐԾԱԴՐԵԼՈՒ ԵՎ ՕԳՏԱԳՈՐԾԵԼՈՒ ԻՐԱՎՈՒՆՔ ՏԱԼՈՒ ՄԱՍԻՆ

«Գրանցված է»
ՀՀ արդարադատության
նախարարության կողմից
14 ապրիլի 2017 թ.
Պետական գրանցման թիվ 32617159

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐ

29 մարտի 2017 թ. N 360-Ն
ք. Երևան

Հ Ր Ա Մ Ա Ն

ՓՐԿԱՐԱՐԱԿԱՆ ԾԱՌԱՅՈՂՆԵՐԻՆ ԶԵՆՔ ՊԱՀԵԼՈՒ, ԿՐԵԼՈՒ, ԳՈՐԾԱԴՐԵԼՈՒ ԵՎ ՕԳՏԱԳՈՐԾԵԼՈՒ ԻՐԱՎՈՒՆՔ ՏԱԼՈՒ ՄԱՍԻՆ

Համաձայն «Փրկարարական ծառայության կանոնագիրքը հաստատելու մասին» Հայաստանի Հանրապետության օրենքով հաստատված փրկարարական ծառայության կանոնագրքի 12-րդ հոդվածի 2-րդ մասի, ղեկավարվելով Հայաստանի Հանրապետության կառավարության 2016 թվականի մարտի 3-ի N 259-Ն որոշման 2-րդ կետի 1-ին ենթակետով հաստատված Հայաստանի Հանրապետության արտակարգ իրավիճակների նախարարության կանոնադրության 16-րդ կետի 1-ին ենթակետով՝

Հրամայում եմ՝

1. Զենք պահելու, կրելու, գործադրելու և օգտագործելու իրավունք տալ՝
- 1) փրկարարական ծառայության բարձրագույն խմբի պաշտոններ զբաղեցնող հետևյալ ծառայողներին՝
ա. փրկարար ծառայության ղեկավար,
բ. փրկարար ծառայության ղեկավարի տեղակալ,
գ. կենտրոնական ապարատի վարչության պետ.
- 2) փրկարարական ծառայության գլխավոր խմբի պաշտոններ զբաղեցնող հետևյալ ծառայողներին՝
ա. կենտրոնական ապարատի առանձին բաժնի պետ,

- բ. կենտրոնական ապարատի վարչության պետի տեղակալ, բաժնի պետ-կենտրոնական ապարատի վարչության պետի տեղակալ,
- գ. տարածքային վարչության պետ.
- 3) փրկարարական ծառայության ավագ խմբի պաշտոններ զբաղեցնող հետևյալ ծառայողներին՝
- ա. Հայաստանի Հանրապետության սահմանամերձ համայնքներում (բնակավայրերում) տեղակայված տարածքային վարչության պետի տեղակալ,
- բ. Հայաստանի Հանրապետության սահմանամերձ համայնքներում (բնակավայրերում) տեղակայված հրշեջ-փրկարարական ջոկատի հրամանատար.
- 4) Հայաստանի Հանրապետության արտակարգ իրավիճակների նախարարության աշխատակազմի փրկարար ծառայության քաղաքացիական պաշտպանության վարչության և ենթակա ստորաբաժանումների ծառայողներին՝ անկախ զբաղեցրած պաշտոնից.
- 5) Հայաստանի Հանրապետության արտակարգ իրավիճակների նախարարության աշխատակազմի փրկարար ծառայության ծառայության կազմակերպման վարչության հատուկ բաժնի ծառայողներին՝ անկախ զբաղեցրած պաշտոնից.
- 6) Հայաստանի Հանրապետության արտակարգ իրավիճակների նախարարության աշխատակազմի փրկարար ծառայության ծառայության կազմակերպման վարչության հատուկ պահպանության բաժնի ծառայողներին՝ անկախ զբաղեցրած պաշտոնից.
- 7) Հայաստանի Հանրապետության արտակարգ իրավիճակների նախարարի հրամանով, օրենքով սահմանված կարգով, Հայաստանի Հանրապետության պաշտպանությանը, քաղաքացիական պաշտպանության միջոցառումներին, տարածքային պաշտպանությանը և կարևորագույն նշանակության օբյեկտների պահպանությանը ներգրավված փրկարարական ծառայողներին՝ անկախ զբաղեցրած պաշտոնից:
2. Սահմանել, որ սույն հրամանի 1-ին կետով զենք պահելու, կրելու, գործադրելու և օգտագործելու իրավունք ստացած՝
- 1) փրկարարական ծառայողը ծառայողական պարտականությունները կատարելիս, իսկ անհրաժեշտության դեպքում՝ նաև ծառայությունից դուրս ժամանակ ունի զենք պահելու, կրելու, գործադրելու և օգտագործելու իրավունք, բացառությամբ սույն հրամանի 1-ին կետի 7-րդ ենթակետում նշված փրկարարական ծառայողների, որոնք զենք պահելու, կրելու, գործադրելու և օգտագործելու իրավունք ունեն միայն սույն հրամանի 1-ին կետի 7-րդ ենթակետով սահմանված դեպքերում.
- 2) փրկարարական ծառայողը զենքը գործադրում է Փրկարարական ծառայության կանոնագրքով, «Քաղաքացիական պաշտպանության ստորաբաժանումների մասին» Հայաստանի Հանրապետության օրենքով սահմանված դեպքերում ու կարգով.
- 3) փրկարարական ծառայողին զենք կցագրվում է Հայաստանի Հանրապետության արտակարգ իրավիճակների նախարարի անհատական իրավական ակտով (հրամանով).
- 4) փրկարարական ծառայողի ծառայողական վկայականում կատարվում է այդ մասին համապատասխան նշում, բացառությամբ սույն հրամանի 1-ին կետի 7-րդ ենթակետում նշված փրկարարական ծառայողների, որոնց զենքը կցագրվում է միայն սույն հրամանի 1-ին կետի 7-րդ ենթակետով սահմանված դեպքերում.
- 5) փրկարարական ծառայողին տրվում է Հայաստանի Հանրապետության արտակարգ իրավիճակների նախարարի հրամանով սահմանված ձևի զենքի կրման անձնական քարտ և զենքի փոխարինման քարտ:
3. Հայաստանի Հանրապետության արտակարգ իրավիճակների նախարարության փրկարար ծառայության կազմակերպման վարչության պետին՝ սահմանված ժամկետում ու կարգով ապահովել սույն հրամանի ներկայացումը Հայաստանի Հանրապետության արդարադատության նախարարություն՝ պետական գրանցման:
4. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀՀ արտակարգ իրավիճակների նախարար

Դ. Տոնոյան